

Самия Ҳасан Сулуҳу хоним Танзания президенти этиб сайланди



11:00 / 20.03.2021 2122

Самия Ҳасан Сулуҳу Танзания Президенти этиб сайланди. Бу ҳақда islam.ru манбаси хабар беради.

Қасамёд қилиш маросими Танзания президентларининг Дорус-салом қароргоҳида бўлиб ўтди.

«Мен ҳалол бўлишга, Танзания конституциясига бўйсунушга ва уни ҳимоя қилишга ваъда бераман», деб қасамёд қилди Сулуҳу. Сулуҳу хоним Африкадаги ушбу мамлакатда давлат раҳбари лавозимига тайинланган биринчи аёл бўлди.

Аввал бу муслима аёл вице-президент бўлиб фаолият юритган. Мамлакатнинг аввалги раҳбари Жон Магуфули 17 март куни вафот этган.

Мамлакат конституциясига биноан, президент вафот этган тақдирда, вице-президент давлат раҳбари лавозимини эгаллайди ва ваколат муддати тугагунига қадар ушбу лавозимда қолади.

61 ёшли Сулуҳунинг амалдаги ваколоти 2025 йил охирида тугайди.

Самия Ҳасан Сулуҳу Занзибарда туғилган. У аввал қатор вазирлик лавозимларида ишлаган.

Хуршид Маъруф тайёрлади